

Obavijest o Odluci visokog predstavnika da ukine zabranu izrečenu Bošku Lemezu Odlukom visokog predstavnika od 26. veljače 2003. godine

95/14

Svojom Odlukom od 26. veljače 2003.godine ("Odluka iz 2003.godine"), visoki predstavnik je smijenio gospodina Boška Lemeza s položaja u Upravnom odboru Elektroprivrede Republike Srpske. Navedenom Odlukom također je zabranjeno g. Lemezu obnašanje bilo koje zvanične, izborne ili imenovane javne dužnosti i kandidiranja na izborima, te dužnosti unutar političkih stranaka ("zabrana"). Odlukom iz 2003. godine je dalje izričito utvrđena mogućnost ukidanja zabrane prema isključivom nahođenju visokog predstavnika.

Na osnovu razmatranja predmeta g. Lemeza, odlučio sam da ovu zabranu ukinem. Gospodinu Bošku Lemezu se odlukom visokog predstavnika više ne zabranjuje da obnaša bilo koju zvaničnu, izbornu ili imenovanu javnu dužnost i kandidiranje na izborima, te dužnosti unutar političkih stranaka. Radi izbjegavanja svake sumnje, svaka zabrana koja proizlazi iz Odluke iz 2003. godine ovim se putem ukida.

Ovakav ishod opravdavaju načela pravičnosti, pravilnog upravljanja i razboritog ispunjavanja međunarodnog mandata visokog predstavnika, kojima se uzima u obzir ravnoteža između zaštite državne stabilnosti i prava pojedinaca.

Ovom Odlukom ne dovodi se u pitanje validnost Odluke iz 2003. godine. Ovom Odlukom ne ovlašćuje se g. Lemez da se vrati na dužnosti s kojih je smijenjen na temelju Odluke iz 2003. godine. Također, ovom Odlukom, njemu se ne daje pravo na odštetu po osnovu bilo koje naknade, drugih oblika neostvarenih novčanih beneficija ili privilegija odnosno statusa koje je izgubio kao rezultat Odluke iz 2003. godine.

Ova Odluka ne predstavlja amnestiranje nego prospektivno ukidanje Odluke iz 2003. godine. Odluka iz 2003. godine se ne briše i ostaje kao integralni dio zakonodavne evidencije Bosne i Hercegovine.

Ovom Odlukom se ne utječe na rješenje niti se njome na drugi način ne prejudicira rješenje u bilo kojem pravnom postupku koji se vodi ili će se voditi unutar ili izvan Bosne i Hercegovine.

Ukoliko su odredbe ove Odluke u suprotnosti s domaćim zakonodavstvom u svezi s bilo kojim od predmeta koji su njom obuhvaćeni, ova Odluka će biti mjerodavna. Odluke visokog predstavnika imaju veću pravnu snagu i prednost u odnosu na domaće zakonodavstvo koje je s njima u suprotnosti. Ovom zakonodavnom izjavom deklarativno se obuhvaćaju postojeće i buduće odluke visokog predstavnika.

Ova Odluka stupa na snagu odmah i ne zahtijeva poduzimanje nikakvih dodatnih proceduralnih radnji.

Ova Odluka se objavljuje odmah u "Službenom glasniku Bosne i Hercegovine" i "Službenom glasniku Republike Srpske".

Sarajevo, 19. kolovoza 2014.

Dr. Valentin Inzko

Visoki predstavnik